

元朝書目卷十

明制御臣片孫仁初等國子監書

皇朝書林定書錄序上世書錄序不刊

國子監九志

平定縣志文苑

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

元朝書目

新定河

增補

書目

增補

弘簡錄卷之五十

明刑部員外郎仁和邵經邦弘齋學

皇清翰林院侍講學士四世孫遠平校閱

儒學 唐九之一

王通

父隆弟疑

徐文遠

陸德明

張後胤

曹憲

附魏模等

孔穎達

司馬才章王恭馬嘉運

歐陽詢

子通

朱子奢

張士衡

賈公彥子大隱

蓋文達

文懿

陸士季

谷那律

孫倚相

蕭德言

子子儒

許叔牙

王元感

王紹宗

祝欽明

郭山惲

馬懷素

附王愜等

尹知章

孫季良

殷踐猷

子寅

褚無量

白履忠

元行沖

附權寅獻等

啖助

趙匡施士陵

陸質

李戡

王通字仲淹其先周人家太原祁縣九代祖寓遭永嘉亂東遷

寓生空空生秀皆以文學顯秀生二子長玄謨以將略升次玄

則以儒術進通六代祖也仕宋歷太僕國子博士究道德考
經籍卒爲鴻儒號江左先生生煥煥生虬虬事魏太和中爲并
州刺史始家河汾生同州刺史音音生安康獻公傑傑生隆字
伯高傳先王之業教授門人隋開皇初爲國子博士待詔雲龍
門文帝從容問以朕何如主對曰陛下聰明神武得之於天發
號施令不盡稽古雖負堯舜之資終以不學爲累帝默然曰朕
之陸賈常著興衰要論七篇以獻帝稱善後歷昌樂猗氏銅川
三縣令所至著稱秩滿遂不仕歸四年通始生父筮之遇坤之
師獻兆廼祖上德而居下位能以衆正恨非其時素王之卦也
是子必能通天下之志因名曰通九年江東平隆喟然而歎通
方十歲侍側曰夫子何嘆通聞古之爲邦有長久之策如夏殷
以來數百載四海常一統也後之爲邦行苟且之政故魏晉以

下興廢無常。夫子蓋傷王政不綱。生人勞瘁。而天下將亂乎。隆
異之曰。其然乎。遂告以元經。再拜受之。十八年。隆宴居。歌伐木
而召通。通嬰然再拜。敢問何謂也。隆曰。爾來自天子。至庶人。未
有不資友以成者也。道喪已來。廢斯久矣。小子勉旃。通於是。有
四方之志。受書於東海李育。學詩於會稽夏璜。問禮于河東關
朗。正樂於北平霍汲。考易於族父仲華。不解衣者六歲。其精志
如此。仁壽三年。通冠慨然有濟蒼生之心。西遊長安。隋帝召見
於太極殿。因奏太平十二策。遵王道。推霸畧。稽今驗古。恢恢乎
運天下於指掌。帝大悅。曰。得生幾晚。天以賜朕。下其議於公卿。
咸不悅。通知謀不用。且將有蕭牆之釁。乃作東征之歌。浩然以
歸。帝再徵之不至。會崩。大業元年。徵復至。辭以疾。謂所親曰。茲
土之人。憂深思遠。有陶唐氏之遺風。矧先君弊廬在。可以避風。

再有田可以具饘粥道之不行欲將安之退修其道而已乃續詩書正禮樂修元經讚易道九年而六經大就門人自遠而至河南董常太山姚義南陽程元中山賈瓊并杜淹李靖房玄齡魏徵竇威溫大雅薛收陳叔達等咸北面受業焉十年尚書召署蜀郡司戶明年復徵著作郎國子博士並不至江都難作踰年逼寢疾七日而終年三十四門弟子數百人會議取易黃裳元吉文在中之義私諡曰文中子絲麻設位哀以送之禮畢悉以文中子書還於王氏禮論二十五篇樂論二十篇續書一百五十篇續詩三百六十篇元經五十篇贊易七十篇並未及行遭時喪亂藏于篋笥東西南北未嘗離身唐武德四年天下大定夫人返于故居以書授于其弟凝凝字叔恬仕隋爲著作郎轉監察御史貞觀初通門人布在廊廟將播厥師施遂求其

書以編寫未就不之出御史大夫杜淹問凝子大賢之弟必有
異聞對曰亡兄講道河汾六經之外無所聞也淹曰昔門人咸
存記焉薛收姚義綴而名之曰中說茲書天下之昌言也微而
顯曲而當旁貫大義宏闡教源門人請問之端文中行事之迹
備矣凝退而求之得中說一百餘紙大抵雜記不著篇目兼以
蠹絕磨滅未能詮次會凝出爲胡蘇令而歸遂考其目而繕錄
焉得六百六十五篇勒成七十五卷分爲六部號曰王氏六經
凝終洛州錄事通二子福郊福時歷上蔡簿雍州司戶參軍
冊曰吁嗟史氏不列文中一以私怨一以自誣天生聖人
道順言從回也生知難再其逢贊附太慙擬像太工言多
反綴經續反窮天苟假年不辨自通廣大曰臻高明日崇
斯是大觀人曷吾恫萬古斯文不棄至公

徐曠字文遠以字行南齊司空孝嗣五世孫父徹梁秘書郎母
元帝女安昌公主江陵陷俘入咸陽遂家洛州偃師以婁貧兄
文林鬻書自給文遠就閱之因博通五經尤明左氏春秋從者
儒沈重質問時重任太學授業常于人不數日文遠輒辭去或
問其故荅曰日聽所說悉紙上陳言若曠隱處從所未見重知
之召與反復研辨嗟嘆其能性方正純厚有儒者風竇威楊玄
感李密王世克皆從受學隋開皇中累遷太學博士以授漢王
諒經坐累除名大業初禮部侍郎許善心復薦爲國子博士包
愷褚徽等皆預焉世稱文遠左氏褚徽禮魯達詩陸德明易皆
一時之冠其說經徧舉先儒異論分別是非乃出新意以折衷
之聽者忘勞越王侗署國子祭酒洛陽饑自出樵採因爲李密
所得尚執故禮尊以南向謝曰前者幸托迂謬受禮將軍今旣

擁兵百萬。威鎮四海。猶能屈體老夫。此盛德也。安敢不盡將軍
若欲爲伊霍。繼絕扶傾。僕雖老。猶堪盡力。如欲爲莽卓。乘危迫
險。老夫耄矣。無能爲也。密頓首曰。備位上公。思所以竭力匡奉
國難。報復讐恥。立功贖罪。然後入見天子。請罪。司敗惟先生教
之。文遠曰。將軍名臣子。累世盡節。前陷玄感。行逃未復。今若全
之以忠孝。天下之人。實遂所望。密曰。恭聞命矣。俄而世充專制
殺元文都等。密又問計。對曰。世充殘忍。而意褊促。必有異圖。將
軍前計爲不諧矣。非破之。不可以朝。密曰。常謂先生儒者。不學
軍旅。至籌大計。乃明畧過人。未幾密敗。復入東都。世充給廩異
等。而文遠見輒先拜。或問故。答曰。密君子。尚能受讓。世充小人。
無容相顧。相時而動可也。世充僭號。復舊職。子士會來奔。世充
怒。絕其廩餼。幾死。復出樵採。爲羅士信所獲。送京師。仍爲博士。

高祖幸國學觀釋奠文遠發春秋題論難鋒生隨方占對衆莫
能屈帝稱善封東莞縣男卒年七十四撰左傳釋音三卷義疏
三十卷孫有功

陸元朗字德明以字行吳人初受學於周弘正善言易理陳後
主爲太子徵四方名儒德明弱冠往叅焉召講承光殿與祭酒
徐孝克敷經談辨衆倚其貴勢多下之獨德明申答屢奪其說
合坐咨賞解褐始興國左常侍陳亡歸鄉煬帝復起授祕書學
士大業中與魯達孔袞共會門下省相酬難莫能詘遷國子助
教授越王侗經遷司業王世充僭號封子玄恕僞漢王尊爲師
卽其廬行束修禮德明恥之托病逃入成皐及平秦王辟爲文
學館學士以經授中山王承乾補大學博士高祖親臨釋奠德
明當講經隨方立義徧析其要帝大喜賜帛五十匹封吳縣男

卒撰經典釋文三十卷并易疏老子疏傳于世後太宗閱釋文嘉其博辨復賜其家布帛子敦信麟德中爲左侍極檢校右相封嘉興縣子致仕終大司成

張後胤字嗣宗崑山人祖僧紹梁零陵太守父冲陳國子博士入隋爲漢王諒并州博士後胤甫冠以學行禪其家高祖鎮太原引爲客令授秦王經義寧初爲齊王文學封新野縣公武德中擢散騎侍郎賜宅一區太宗卽位改燕王府諮議參軍從王入朝召見因陳曩在太原帝問隋運將終得天下者何姓答曰公家德業天下繫心若順天而動自河以北指揮可定然後長驅關右帝業可成帝曰是事朕未嘗忘乃賜宴月池帝從容又問今日弟子何如對曰昔孔子門人三千達者無子男之位臣翼贊一人乃王天下計臣之功過於先聖帝爲之笑令羣臣以

春秋酬難帝曰朕昔受大義今尚記之後胤頓首曰陛下乃生知臣叨天功爲已力罪也帝大悅臨行拜本府司馬出爲睦州刺史乞骸帝見其強力授以國子祭酒遷散騎常侍永徽中致仕加金紫光祿大夫卒年八十三贈禮部尚書諡曰康陪葬昭陵孫齊丘歷監察御史朔方節度使終東都留守諡曰貞獻曾孫鎰宰相

曹憲江都人研精字學自漢杜林衛宏以後古文亡絕至憲復興聚徒教授凡數百人公卿多從之游仕隋爲秘書學士煬帝令與諸儒撰桂苑珠叢一百卷見正文字又訓註張揖所撰廣雅分爲十卷學者推其該博命藏秘書貞觀中揚州長史李襲譽薦授弘文館學士辭以年老不至卽家拜朝散大夫學者榮之太宗嘗讀書有奇難字輒遣使就問具爲音注援驗詳複帝

咨尚之卒年百五歲所撰文選音義甚爲當時所重與同郡魏模公孫羅李善相繼傳授其書遂與句容許淹自浮屠還爲儒多識廣聞尤精訓詁五人並名家羅官沛王府參軍無錫丞模武后時爲左拾遺子景倩亦世其學以拾遺名後歷度支員外郎

孔穎達字仲達冀州衡水人祖碩後魏南臺丞父安濟青州法曹參軍穎達八歲就學日記十言及長明左氏傳鄭氏尚書王氏易并詩禮記兼通算律善屬文同郡劉焯名重一時初造其門不加禮及請質所疑多出其意大加敬服大業初明經高第授河內郡博陽帝召天下儒官舉集東都以年最少遠方師宿恥出其下至欲加害楊玄感匿之而免補太學助教隋亂避地虎牢秦王平洛引爲文館學士遷國博貞觀初封曲阜縣男轉

給事中太宗留意經訓嘗讀論語至以能問於不能進曰此聖人設教欲人謙光已雖能仍就不能之人以質所未能已雖多仍就寡少之人更資其多內有道外若無中雖實容若虛非特匹夫如此若王者據尊極之位銜聰耀明恃才以肆則上下不通君臣道乖自古滅亡莫不由此帝稱善轉國子司業歲餘爲太子右庶子與諸儒議曆及明堂事多從其說同修隋史成加散騎常侍又修定五禮進爵爲子數諍太子承乾過失撰爲孝經章句因文以盡箴諷帝悅賜黃金綵絹久之拜祭酒仍充東宮侍講帝幸太學講經已畢上釋奠頌手詔褒美命圖形凌煙閣以老致仕卒陪葬昭陵贈太常卿諡曰憲子志孫惠元咸力學寡言三世同任司業時論榮之惠元至太子諭德初頴達與顏師古司馬才章王恭王琰等受詔撰五經正義凡一百八

十卷馬嘉運以爲繁冗駁正其失有詔更令裁定功未就永徽二年復詔宰臣于志寧張行成高季輔并諸博士弘文學士就加增損書始布下才章魏州貴鄉人父烜博涉五經善緯候少傳其業隋末爲郡博士房玄齡薦於太宗屢蒙詔問授國子助教論議該博學者稱之恭滑州白馬人少篤學教授鄉閭弟子嘗數百人貞觀初拜太學博士換三禮義證世稱精博嘉運魏州繁水人長於論議累除越王東閣祭酒退隱白鹿山諸來授業多至千人十一年召拜太學博士弘文館學士高宗引爲崇賢館學士數與洗馬秦晔侍講宮中終國子博士歐陽詢字信本渾州臨湘人祖頽陳大司空父紇陳廣州刺史被誅詢自少養于故人江總貌猥陋不揚而敏悟絕人教以書記輒數行同盡及長博貫經史爲隋太常博士高祖微時從游

卽位擢給事中其書倣王羲之漸變其體轉更健勁人傳習之
以爲楷法嘗行路中見一碑乃索靖所書玩而悅之往返數四
遂宿其傍三日乃得去其所嗜類此高麗甚重其書遣使求之
以修藝文類聚成賜帛二百段貞觀初歷太子率更令弘文館
學士封渤海縣男卒年八十五子通蚤孤母徐氏教以父書
刻意臨倣數年名亞於詢號大小歐陽體儀鳳中累遷中書舍
人母喪哀毀例許奪哀不得已徒跣至公門直宿在省籍藁于
地冬月家人潛加毡絮卽徹去非公事未嘗啓齒私居不輟號
慟年凶未葬衰經四年不釋人稱其孝遷累殿中監封渤海縣
子天授初轉夏官尚書爲司禮卿判納言事輔政月餘以固執
武承嗣立太子議爲來俊臣構死神龍初追復官爵褚遂良嘗
問虞世南吾書何如智永答曰吾聞彼一字直五萬君豈得此

又問孰與詢。曰吾聞詢不擇紙筆皆得如志。君似不如。然則竟何如。世南曰。君若手和筆調。自可貴尚。遂良大服。通晚年矜重。以狸毛爲筆。覆以兔毫。管皆犀象。非是未嘗書。朱子奢吳人。少從同鄉顧彪授左氏春秋。博觀子史。善文辭。大業中直秘書學士。遭亂罷還。依杜伏威。武德四年從入朝。授國子助教。貞觀初高麗百濟同伐新羅。連兵不解。帝以海外頗重文學。令假散騎侍郎持節諭旨。爲講大義。以平三國之憾。勿入其幣。還當重用。逮至儀觀偉曄。彝人尊畏之。爲發明春秋意旨。三國咸聽。上書謝罪。賚遺甚厚。還又納其美女。帝以雖違旨猶愛其才。不至深譴。授以散官。直國子學。累轉諫議大夫弘文館學士。會高祖神主當祔太廟。止有四室。乃與尚書議奏。併附弘農府君高祖神主。共爲六室。帝嘗詔起居紀錄。臧否朕欲見之。

以知得失奏曰陛下舉無過事雖見無嫌然恐以此開後世史官之禍使皆全身畏死則悠悠于載那復有聞乎櫟陽尉魏禮臣以劾池陽令崔文康犯事獄成御史言其枉禮臣訴爲阿黨乞加再訊不如所言願死鞠報果虛詔加刑子奢奏律上書不實有定罪若皆抵死後有真枉誰敢復言得免未幾遷國子司業卒于官其爲人樂易能劇談以經誼緣飾每侍宴帝令與羣臣論難多諦聽之

張士衡瀛州樂壽人父文慶北齊國子助教士衡九歲喪母哀慕倍常父友劉軌思見曰吾爲君成就之乃授以毛詩周禮又從熊安生劉焯等受禮記自後徧講五經貫知大義尤精三禮登隋爲餘杭令請老還家以禮學教授諸生當時顯者惟賈公彥李玄植爲最貞觀中燕王靈夔都督幽州以禮選聘北面事